

佛祖統記 三

風陵文庫

文庫19

F 229

2



教主釋迦牟尼佛本紀三 佛祖統紀卷第三

天宋景定四明東湖沙門 志磐 撰

轉法輪

序曰說法度人如來出世之大要人有利鈍則法有頓漸故聞法之人無不悟入猶夫醫王應病與藥藥能合宜則病無不愈疏不云乎今佛始終具轉五佛法輪轉此法度入他心令得悟斯轉法輪之義也如來轉法輪一代五時則有八教

轉法輪者輪以摧碾為義如來說法化轉物心於法自在如輪王輪寶運轉無礙又如來三輪不思議謂身輪現通口輪說法意輪鑑機能與衆生摧

山門禪定  
蘭若藏本



碾一切感累法苑云輪王有二財輪王者有四等  
金輪千輻化被四洲住劫八萬歲時出銀輪七百  
五十輻化三天下除北洲銅輪五百輻化東南二  
洲鐵輪二百五十輻唯化南洲如阿育王是也法  
輪王者若減百年如來出世是也  
一代者通指八相別在五時五時復有通別妙玄  
云五味半滿論別別有齊限論通通於初後若華  
嚴別但在初通則至後鹿苑已去例此云今論一  
化唯在別義論五時者義出三經謂華嚴三照涅槃  
五味法華信解品四大弟子領解等文故文句  
云四大弟子深得佛意探領一代五時之教始終

次第其文出此  
八教有妙樂云化儀四教是判教之大綱化法四  
教是釋義之綱目是知頓等是判藏等是釋如判  
華嚴爲頓則以別圓釋之乃至判法華爲非頓非  
漸以純圓釋之此今家消經之軌則也妙樂又云  
若消諸經但用藏等其文稍通若釋法華無頓等  
八舉止失措謂餘經但論當部逗機得益故未須  
頓等若釋法華須明一代故用頓等以括始終輔  
行云藏等四教徧收一切大小乘經因果顯了各  
立教主各被機緣始終備足不過此四頓等四教  
但是如來不思議力布措藏等盈縮調停成熟物



機破邪立正。引小歸大。廢偏顯圓。會權入實。故有諸部五味相生。利物無方。適時出沒。

言五時者一華嚴時

具云大方廣佛華嚴經。人法辟具足。立題別行。玄記云。大方廣是法。佛是舍那果人。華嚴辟諸地。因華莊嚴果德。此經總有七處八會。會不一。故以經標名。

二鹿死時

輔行引大論云。如來因地爲鹿群主。波羅奈王入山遊獵。有母鹿懷子。當差次供饌。母告鹿主。枉殺其子。鹿主詣王求代。王說偈曰。我實人頭鹿。汝是

鹿頭人。以理而爲人。不以形爲人。我從今日始不食一切肉。我以無畏施。亦可安汝意。鹿群所居故名鹿苑。亦名柰苑。從樹立名。亦名仙苑。以二仙所住。故此以處標名。酬昔行因之地。

三方等時

四教並談。曰方。四機俱被。曰等。此從法得名。依部教立。故續遺記云。方等之名有二意。若大經從酪出生酥。辟修多羅出方等。此約第三時的。從部教即被三乘四教機也。若普賢觀。此方等經是諸佛眼。乃直明圓理。非第三時也。普賢方等乃方廣平等之義。諸部大乘談圓理處並名方等。



四般若時

此云智慧五種不翻中尊貴不翻也具云摩訶般若此從經標名

五法華涅槃時

二經同明開顯並屬醍醐故合爲一時此並從經標名法華具云妙法蓮華經由妙法有施開廢三者之義故以蓮華爲喻涅槃者具云摩訶般涅槃經此翻大滅度大即法身滅即解脫度即般若一經始終純談三德

是爲五時

五時立名不出三義華嚴從喻鹿苑從處方等般

亦名五味


若涅槃從法法華從法喻

此有相生濃淡二義言相生者妙玄云初頓之後次開於漸故涅槃云從佛出十二部經從十二部經出修多羅譬從牛出乳從乳出酪云次第相生不取濃淡又云呼爲乳者意不在淡以初本故言濃淡者義例云經中五味唯喻一代五時濃淡濃淡雖殊皆從牛出元草堂云相生喻教濃淡喻機喻教則有次第從頓開漸漸入轉深終會於圓喻機則有優劣初自聾啞彈訶淘汰而卒至得記祇一五味作兩番譬能譬雖通所譬則局今論一



化次第唯取相生之義

○三照五時五味之圖



切大山次照金剛寶山然後普照一切大地日光  
不作是念我當先照諸大山王次第乃至普照大  
地但山有高下照有先後如來亦復如是成就無  
量無邊法界智光先照菩薩次照緣覺次照聲聞  
次照決定善根衆生隨應受化菩薩然後普照一  
切衆生云又云譬如日月出現世間乃至深山幽  
谷無不普照爲幽谷其文出此  
涅槃經云佛說二十五三昧無垢藏菩薩白佛言  
如佛所說諸佛菩薩成就智慧功德百千萬億實  
不可說我意猶謂不如此經能出阿耨多羅三藐  
三菩提佛言譬如從牛出乳從乳出酪從酪出生



酥從生酥出熟酥從熟酥出醍醐醍醐最上佛亦如是從佛出十二部經從十二部出九部修多羅從修多羅出方等典從方等典出般若從般若出大涅槃醍醐譬於佛性佛性即是如來釋籤云涅槃五味轉變而祇是一乳華嚴三照不同而祇是一日今演華嚴平地之譬以對涅槃後之三味數雖不等其義宛齊云又云華嚴但云平地今離彼平地以譬方等般若法華方等如食時般若如禺中法華如正中言八教者頓漸秘密不定為化儀藏通別圓為化法是為八教化儀如世藥方化法如辨藥味言教者詮理化物之義聖人被下之辭化儀四教

是如來化物之儀式故喻如藥方化法四教是眾生除病之法度故喻如藥味化儀等四教下義理祇是藏通別圓雖通名為教其實無別有體八教文證者初化儀四教如華嚴云初發心時便成正覺妙玄云如日初出先照高山此如華嚴緣得大益名頓教相無量義經云從一清淨道施出二三四妙玄次照幽谷此如三藏次照平地此如方等般若並漸教相大經或時說深或時說淺淨名佛以一音眾生各解此不定教大品我見閻浮提第二法輪轉大論云今轉似初轉此秘密教也次化法四教者妙玄引長阿含云佛說四大教籤




云。但有四。非即藏等也。月燈三昧經明。四種修多羅。其中有四種。斷無明智章安私釋。以對四教。籤云。與四教義甚相應。然此並是約義。以對末見立名之的。今準四教義。引法華云。貪著小乘三藏學者。成論我今正欲論三藏中實義。此並藏教名義。華嚴云。為說圓滿修多羅。大品云。欲以一切種智。知一切法。當學般若法華。以平等大慧。為大衆說。如所說者。皆是真實。涅槃經復有一行。是如來行。所謂大般涅槃大論。三智其實一心中得。此並圓教名義。唯通別兩名。徧在諸文。是大師之所義立。如四教義。引大品云。薩婆若智。三乘同得。中論

諸法實相。三人共入。此並通教義。通者同也。三乘共稟。故名為通。無量義云。摩訶般若華嚴海空。宣說菩薩歷劫修行。涅槃經明五行大論。不共般若。斷於別惑。此並別教義。別者不共之名。八教名義者。直說於太時部。居初名頓。中間三味引小向大。名漸。一音異解。互不相知。名秘密。聞小證大。聞大證小。名不定。經律論三。含藏法義。名三藏。三乘共行。利根菩薩。通別通圓。故名通。獨菩薩法次第。斷證別前。藏通別後。圓教故名別。教理智斷行位因果。一切圓融。故名圓。

○八教對會五時圖





初頓教者即第一華嚴時從部時味得名為頓此謂如來始成正覺在寂滅道場四十一位法身大士及宿世根熟天龍八部一時圍遶如雲籠月是時如來現盧舍那身說圓滿修多羅故言頓教

頓教者有約部約教二義約部則別在華嚴約教則通於餘時今此正當約部明頓之教對下三漸化儀為言也下文云從部時味得名為頓是也華嚴為部先照為時乳為味合此三義為部時味簡餘時也下鹿苑時亦可得云從部時味得名為漸初此後可例始成正覺者此約迹中大始而言非本中初成也



寂滅道場者寂五住煩惱滅二種生死見惑一住思惑分三塵沙合無明爲一住同居土分段生死方便實報土變易生死得道之場如世治穀之場除五住練顯實相米新譯經菩提道場名異義同四十一位者妙玄云華嚴明三十心十地佛地爲四十一位以破無明顯中道法性之理故云法身法身有二義毗盧遮那性德法身分破無明至究竟者名修得法身今文在修義兼性德四念處云華嚴前無十信後無等覺者玉慧覺云不可將部中談位而難經初列衆蓋華嚴事事談十故合等覺在十地如光明記云華嚴不開等覺十地即等

覺也今言經初列衆故有等覺若前無十信者華嚴明十梵行即十信也故四教義云十種梵行與圓十信同今文唯約法身大士故不列十信

宿世根熟天龍八部者諸經列衆有龍畜等者當用涅槃四句料簡一乘急戒緩四趣聞法悟道者二戒急乘緩著樂人天不聞法者三乘戒俱急夫人聞法得道者四乘戒俱緩四趣不聞法者今此衆皆是宿世曾聞華嚴或種或熟今當得脫之衆止觀示以三塗身值弥勒佛聞華嚴經正此義也八部如常論

如雲龍月者妙玄云法身眷屬如陰雲籠月共降



母胎此喻降胎之相。今四教儀取喻轉法輪眷屬之相。其義兩可。雲以喻機。月喻教主。仁王經云。十五夜月闇盡。光圓。以喻如來智德漸圓。惑闇究盡。乃成斷結。  
盧舍那者。此云淨滿。諸惡盡故。淨。萬德圓故。滿。即自報身也。亦云光明徧照。如大論云。光明無邊。色像無邊。尊特之身。即他報身也。今明教主依四明立義。正是樹下釋迦現起尊特。如解謗引經云。爾時世尊不離一切菩提樹下。而上升須彌。向帝釋殿說法。豈非華嚴是千百億應身所說。  
修多羅者。此云契經。能說所說契理契機。亦十二

部之惣名也。文雖兼別。部意是圓。

若約機約教。未免兼權。謂初發心時。便成正覺等文。為圓機說。圓教處處說。行布次第。則為權機說。別教故約部為頓。約教名兼見妙玄十及四教儀。

發心有二。一解行發心。五品也。二相似發心。十信也。三真證發心。初住也。今是真證發心。即是發理。性三因之心。分證三德之理。四教義云。華嚴初發心時。便成正覺。即是發真無漏。斷無明入初品。起信論云。菩薩發是心。隨其願力。能見八相。妙樂云。華嚴起信。彰灼明文。初住八相等文。並普賢普眼三無差別等。皆圓文也。



行布次第者七處八會故云處處行列布指階位  
淺深故云行布此經所談有圓融行布二門釋籤  
云華嚴會處所明行位不出別圓但經意多含義  
難定判始從住前至登地來全是圓義從第二住  
至第七住文相次第又似別義於七住中文辨一  
多相即自在次行向地又是差別次第之義又一  
一位皆有普賢行布二門故知兼用圓文接別

華嚴云如日初出先照高山妙玄

日喻教主高山喻別圓之機大機當熟故先蒙如  
來慧光所照妙玄  
涅槃云從牛出乳譬從佛出十二部經妙玄

玄文言大機稟教即破無明行如醍醐者文此指  
華嚴高山王機也涅槃言從牛出乳者此約一化  
指聲聞聲寂也故玄文云三教分別即名頓教亦  
即醍醐五味分別即名乳教今言從牛出乳者即  
初味也

信解品云即遣旁人

如來為正菩薩為旁即是佛加

住功德林說十行金剛

說四十地法惠菩薩

性德本自有之故曰將還又窮子驚愕卒聞大教年

故稱怨大喚生死為苦煩惱為怨若聞生死即涅槃

者執之逾急遠惡怖畏令其強牽將還外既無機窮

子自念無罪而被囚執此必定死

眾生罪故入生死



羽  
里  
第  
十  
二

1

此下六明戶內四十九戶至二十旺廣明長行中二點  
科文  
初  
後義門分別於初二初正初領  
後明

自性實 反刀劣

卷三

人  
心  
子

2

行

卷之六

方外集

$\frac{1}{2}$

1

[illegible]



跌二乘無大悲心。令入生死。即轉更惶怖。是而彼因執。永失三乘慧命。等事悶絕。

躡地小智不解父遙見之。是結緣。子故見而語使言。

菩薩為使不須此人。不須現尊妙。見勿強將來。恐傷善根。使

者語之。我今放汝。息明。窮子歡喜。教所通。往至貧里。

以求衣食。於四諦中。發求道法。以上注。文此出文句。此領何義。此為如

來說圓頓教門。以大擬小。機生悶絕。妙玄。卷

華嚴三名。述曰。舊以寂場時長。盡未來際。法界列

為四種。華嚴又分前三屬事後。一屬理。此皆積代

之謬。今篤論其義。祇有三名。一者寂場。妙玄引方

便品。始坐道場。三七思惟。明釋迦最初頓說。是也

從初卷至三十一卷為前分二者時長。妙玄引法性論。鈍根三

處入法界是也。以片為後分。三者盡未來際。文句

云華嚴末帝始開於漸。妙樂云。此且寄婆娑一期

設化用通。今意應知。華嚴盡未來際。即是此經常

在靈山。何殊十方更互主伴。前二名見妙玄。雖有

三名。而於所說之經。無非華嚴所詮之理。無非法

界。或言母胎者。妙玄云。佛從兜率下。與法身眷屬

共降。母胎常宣妙法。是時未轉法輪。當屬盡未

來際。實報土。相專被大機者所攝。此說有言海空。

者妙玄引無量義經。次說般若華嚴海空。此祇

是因般若入法界。時長所收。然則母胎海空。不當

別出二名也。審矣。



時長通後述曰。評時長通至三處者。謂般若海空。法華佛慧涅槃心地法門是也。妙玄引無量義經云。次說般若歷劫修行華嚴海空。法華會入佛慧。即是通至二經。截云。以般若亦得名華嚴。法華佛論之。無非華嚴。佛慧言之。無非法華。此即通般若通法華之證也。又引像法決疑經云。今日座中各見不同。或見如來入涅槃。或見報身坐蓮華藏海。為千百億釋迦說心地法門。又妙玄云。日若垂沒。亦應餘輝峻嶺。故蓮華藏海通至涅槃之後。此通涅槃之證也。又引法性論云。鈍根三處入法界。此即通後三處之文也。今更論之。妙玄云。因般若入法界。即是華嚴海。

空。由歷劫修學般若。今覺空智得入法界。觀華嚴藏海。皆用竟空。又云華嚴時。長昔小機未入。如聲如痘。今聞般若。即能得入。此舉般若得入為端。法華涅槃亦當例此。得入後人欲據此文齊至般若者。不知通至二經及三處入法界之文。如何消釋。截云。一以法界為華嚴。此即時長得名正出此文。截云。一以法界為華嚴。此即三十七及盡未來際。獨為刊根大機。常說華嚴圓頓之教。舉所詮法界之理。以為名也。二以時長通至於後者。至法華開顯。方始得入也。二義並通。是故並存大機。則華嚴不休。釋上法小機。則諸教次第是故。鈍根倘存小見。釋上時長。由根鈍存小見。故歷諸教始得入。又妙樂引入佛境界品。三卷文殊語。舍利弗等六千比丘。汝等善能成就十種大心。則得佛地。自舌共云。華嚴時長。乃是結集。後教至般若來方可。



得云令諸比丘成十大心此乃義當轉教時也結  
此等意入華嚴中故云時長有人據轉教時之  
言使謂華嚴齊般若者殊不知判溪引此經後分  
有聲聞爲時長至般若之證耳初末當的判但齊  
般若不然判溪釋玄文三處入法界何云時長通  
至於後小機諸教次第邪又有人云車溪縱通涅  
槃不當通法華謂有妨如來調機無功爲之難者  
若能細思會入法華佛慧之言則此意自銷何妨  
之有

華嚴教主述曰論華嚴教主者準四明解謗之說  
於尊特身有須現不須現二者之分故須現則如

梵網華嚴及觀經等相多身大不須現即以力加  
令於劣身不取分齊見三十二相即無有邊以知  
丈六是法界故今詳此說考之經文則有二義一  
約補處謂菩薩樹下初成正覺若非補處豈曰初  
成又偈云迦葉曾來住此殿是故此處最吉祥如  
是十偈讚過去十佛既佛佛俱有補處則知藏塵  
相好之佛須是分段生滅之身與同居應更無少  
異二約上升謂是時世尊不離菩提樹下上升須  
彌華嚴骨目云不動向帝釋殿說法即前迦葉十  
彌而外是機得處豈非華嚴是千百億應身所說此身既  
被別圓之機見是尊特何須獨指華莖受職身邪



此即破淨覺指實報土藏塵尊特橫應同居之說  
蓋大師說三品相海皆稱機而現別教則用別修  
緣了成就此相即修成之尊特故名報身圓教能  
了二修即性修德無功乃性具之尊特故名法身  
據此則知即性而論本名法身取土同居則名應  
身被機現起則名尊特求異淨覺修成尊特橫應  
同居之說然則今師約機約教以定身者正是樹  
下生身現起尊特以應別圓之機正合妙玄釋迦  
最初頓說釋迦是生身亦合四教儀如來現盧舍  
那身說法之言起尊持故轉名舍那世有取月堂  
之說云境本定身則是釋迦機感見相則是舍那

蓋有得於此云

然初頓未必純教法身菩薩亦有凡夫大根性人此  
有兩義若當體圓頓得悟者即破無明入圓初住此  
是醍醐若初心之人雖聞大教始入十信最是初味  
名之為乳呼為乳者意不在淡以初故本故凡圓教內  
清淨即是十信初信斷見二信至七信斷思入信若  
至十信斷界內外塵沙惑以未破無明故但名乳若  
小根性人大教擬小如聾如瘡小機未轉全生如乳  
十妙玄

華嚴二味四機述曰自昔教初學者為時味圖上  
言高山下對乳味未嘗有論之者今案玄文華嚴  
之時自有二味四機之別一者純教法身即是分



證中道四十一位此名醍醐二者凡夫大根入圓  
初住證一分中道以去亦名醍醐三者始入十信  
雖斷四住未破無明但名爲乳四者小根聾瘡全  
生如乳然則名醍醐者有二機名爲乳者亦有二  
機玄云於小如乳於大如醍醐少分譬喻不可全  
求如籤云華嚴分喻初味而未得於華嚴之頓及  
別圓兩教但有五味次第之相文當知謂華嚴爲  
乳者正約從頓開漸施設化事之意

三七擬機述曰諸文謂三七是擬機者人無異論  
然玄文云於彼初分求無聲聞後分則有雖復在  
座如聾如瘡故義神智據此非之曰初分求無何

所擬哉今作二義釋之方爲盡理一者三七初分  
求無此如來擬宜之化意二者後分則有狀如聾  
瘡此如來擬宜之化事初言化意者如方便品云  
始坐道場三七思惟籤云初七思惟欲說圓次七  
思惟欲說別三七思惟欲說通皆無機故但說三  
藏籤又云約大機則寂場之時約小機則成已思  
惟未說之時妙樂云小見三七停留大觀始終無  
改此皆如來擬宜之化意也言化事者如文句云  
華嚴末席始開於漸妙樂釋之云舊經云佛在逝  
多林入師子頻申三昧舍利弗從祇園出不見如  
來自在莊嚴不見諸大菩薩眷屬無智眼能見亦







第二會菩提場普光明殿說六品○如來名號

文殊說四界十方世四聖諦文殊說四界佛名光明覺文殊說四界佛名菩薩問明

文殊問覺首等破無明義法首菩薩云如薩問明入數他寶自無半錢分於法不修行多聞

亦如是如人善方藥自疾不能救如瞽奏音藥既彼不自聞又賢首云一切無礙人一箇出生死

律行文殊答首一切行願我飲食時當三願衆賢

首文殊問賢首菩提心功德等信是道元功德母

第三會初利天宮說六品○升須彌山佛坐菩提

座升須彌山帝釋讚云迦葉曾來住此殿是故此座最吉祥如是過去十佛讚皆言此殿最吉祥

刑溪云不動而山頂偈讚佛坐帝釋殿法慧等十

升是獲得處山頂偈讚菩薩各發願讚佛勝意

云了知一切法自性無所有十住法慧說十住一

如見解法性則見盧舍那十住法慧說十住一

梵行法慧說修習發心功德功德者帝釋問發心

梵行梵行有十住發心功德功德者帝釋問發心

一念知廣大世界長短劫故有佛無佛故一念知三際世界成壞劫故眾生種種差別故

荆溪云發心所緣是所親境具明法法慧說初發

三諦無性空一切假平等中明法法慧說初發

故說修十種法具大功德成就佛智荆溪云明謂所證法則方法

第四會夜摩天宮說四品○升夜摩天佛升此天

夜摩偈讚功德林等名說偈讚佛覺林偈云心如夜摩偈讚功德林等名說偈讚佛覺林偈云心如

名與色又云如心佛亦願如佛般生然心佛及衆生是三無差別又若人殺了知三世一切佛應觀

法界性一十行功德林說十無盡藏功德

如唯心造十行功德林說十無盡藏功德

第五會兜率天宮說三品○升兜率天佛升此天

兜率偈讚等讚佛十回向金剛幢說偈云法性遍

國土三世悉在無有餘亦無形相而可得

第六會他化天宮說一品○十地金剛藏說用十

地對諸天王知



發光地獄初  
利天王等

第七重會普光明殿說十一品○十定普賢說入十種三昧

十通普賢說十忍普賢說阿僧祇佛為心王菩薩

至不可說不可說劫壽量心王說此校世善薩住

稱讚普賢功德無盡佛不思議

受心王說東北方清涼山有那羅延窟佛不思議

蓮華藏菩薩說十身相海普賢說如來十身

海微塵數如來隨好光明佛告普賢十佛刹塵界地獄遇

光息苦咸生普賢行普賢說修如來出現佛及光

出鬼普賢說第八三會普光明殿說一品○離世間普賢說廣

遮那本願

第九會逝多林說一品阿闍維入法界時世尊入

三昧舍利弗等諸大聲聞在逝多林皆悉不見如

來神力亦復不見善薩大會以善根不同故本不

修習見佛善根本不讚說諸佛神變不能見聞念

等依聲聞乘而出離故○文殊解佛南行入闍維

舍利弗與六千比丘在文殊所文殊以十事勸之

令行菩薩道即得無礙眼三昧見一切佛境界悉

見諸佛文殊勸已南行至福城東為善財童子說

法令求菩提近善知識從此南行一百十城參五

十三善知識入普賢道場得一切佛刹微塵數三

昧門徧見普賢於十方界○此並依剎微華嚴骨

目籤云龍宮所藏三本上本十三世界微塵數品

中本四十九萬八千八百偈下本十萬偈四十八

品今但三十九品則知經來未盡  
龍樹入龍宮閱

非此所堪但誦

下本流行於世

二月九日如來於七日中一心思惟觀於樹王而自



念言我所得法甚深難解唯佛與佛乃能知之一切  
 衆生薄福鈍根云何能解我所得法我寧入般涅槃  
 時大梵天王即發天宮至如來所白言世尊始於今  
 者成無上道云何默然而不說法然有衆生過去世  
 時植衆德本堪任聞法唯願世尊爲斯等故以大悲  
 力轉妙法輪釋提桓因乃至他化自在天亦復如是  
 時梵王等乃至三請滿於七日默然受之二十七日以  
 佛眼觀諸衆生上中下根及諸煩惱三十七日思惟今  
 我當開甘露法門誰先得聞阿羅邏發願道成先度  
 空中有言昨日命終又思迦蘭利根亦應先聞空中  
 又言昨夜命終又思王臣所遣五人過去發願應先

聞法即從座起諸波羅奈因果經三十七日與法華不異又釋

藏備引諸經明三七皆不同唯因果經畧同今師意  
 改今佛紀之文多準此經阿羅邏迦蘭二仙并陳如  
 五人並見  
 本紀二卷

二月三十日世尊到文鱗育龍無提水邊坐定七日

光照水中龍目得開自憶前見三佛光明賢劫中拘  
 留那舍迦

佛也目輒得視乃出水見佛天雨七日龍以身遶七

匝七頭羅覆以爲障蔽七日雨止佛從定寤龍化少

年道人佛即爲授三自歸法應如提謂歸  
 依當來僧諸旁生中

最先見佛因果  
 經

三月七日樹神知佛七日立定此水邊坐定樹神未看  
 神非善畏樹神

奉食適五百賈客從山面過車牛皆躓不行躓音至  
 寔同礙



不行也韓文選有兩大人提謂波利俱詣樹神請福  
學解波利前頭後樹神即為言佛在水邊汝曹幸先奉食兩人即和蜜  
夢上佛四天王取石中自然香鉢各用持上因果經  
各奉一青石鉢佛念取一鉢不快餘王意乃悉受四  
鉢累置左手以右手案成一鉢令四際見瑞應佛為  
兜願食訖即授賈人三歸一歸依佛二歸依法三歸  
依將來僧因果佛先為辨五行六甲陰陽曆數既信  
服已令歸依佛歸依法歸依當來僧時長者得須陀  
洹此云須洹復為說五戒曰五戒者諸佛之母欲求  
佛道讀是經欲求阿羅漢此云無生讀是經時提謂  
得不起法忍三百人得信忍二百人得須陀洹五百

賈客四天王得柔順法忍提謂經○補注云提謂經一卷後因  
魏世曇靖撰提謂波利經二卷如五行五方又云東  
方泰山漢言岱岳不識梵魏致後人以爲角今當以  
一卷者佛為提謂授記未來成佛號密成如來普曜  
提謂攝屬述曰佛說五戒人天之教正是顯露提  
謂得忍聞小證大乃是不定是為顯露不定教也  
若約時則當華嚴三七後及水邊七日後是為第  
五七日如因果經所云若收經則人天之教三藏  
所攝如四教義所云  
次漸教者有三時鹿苑漸初方等漸中般若漸末提  
名為漸教

述曰此為身子等一類小機華嚴無益從頓開漸



次第引入。漸初鹿苑四諦十二因緣同證小果漸  
中方等彈偏折小同慕大法漸末般若轉教付財  
領知家業故揔名為漸也

第二鹿苑時者佛本以大乘擬度衆生其不堪者尋  
思方便趣波羅柰此云江連城中印於一乘道分別  
說三即是開三藏教也非仙釋迦隱其無量神德作  
斯漸化過現諸佛亦復如是當知初頓之後次開於  
漸漸機於頓全生如乳三藏中轉華凡成聖喻變乳  
為酪次第相生不取濃淡妙大為三乘根性於頓無  
益故不動寂場而遊鹿苑脫舍那珍御之服著丈六  
弊垢之衣先為五人說四諦十二因緣事六度等教

四教儀文句云過去名根未來名性○即大而小  
故云不動靜持勝應定慧莊嚴譬珍御服生身劣小  
忍生法憫譬以垢衣佛生人中倍勝人形故  
長丈六如彌勒三十二丈時人長十六丈

若約時則次照幽谷妙玄若約味則從乳出酪此從  
十二部經出九部修多羅妙玄

信解品云時長者將欲誘引其子既息大化密遣二

人隱實為密用權為遣形色憔悴修相好無威德者

無畏力徐語窮子小教迂隱顧汝除糞苦集時二使

人即求窮子審知既已得之具陳上事陳說時窮子

先取其價尋與除糞取道滅其父見子慙而怪之其

取阿羅漢怪其不求佛道已又以他日於窓牖中見

上並是齊教領此下為探領又以他日於窓牖中見

遙見子身小去大遠羸瘦憔悴智福力少曰羸內



八苦曰糞土塵土

無知為塵土汗穢不淨示是現好

即脫瓔珞細軟上服瓔珞報身戒定慧等更著粗弊垢

膩之衣生忍忍無情惱名為法忍為弊忍有膚惱名為

法○粗右手執持除糞之器治見思有漏之法語諸

作人子親教汝等勤作好自安意我如汝父未實汝今

已後如所生子鄰真逼聖即位時窮子雖欣此遇猶故

自謂客作賤人任知大二十年中常令除糞見諦一

為二十思惟九解脫九無礙其此領何義此為次頓之

後隱舍那身作比丘像說三藏教二十年中常令除

糞得一日之價見思已斷無漏心淨妙玄

二十年中述曰信解品二十年中之文凡三處所

以表法各有其意初二十年中常令除糞訪

諦一解脫一無礙思惟九無礙九解脫故云二十

文句此二經二十年執作家事家業住二乘位

轉大乘教文三自見子來已二十科定父有二

乘之機而來感佛文前一合二十數即是用八忍

八智斷見合為一解脫一無尋用九無尋九解脫

斷思通之為二十也後二但合二義故妙樂云斷

見為一斷思為一輔行云約人則一乘約理則真

俗二諦約惑則見思俱破問云二義可爾十義云

何答二乘各有十智十智者世智六心此則前後

三文皆見二十之義

統紀三

卷三



三月八日。世尊前行至波羅奈國鹿野園中。因果

佛自二月八日成道。自九日至二十九日。為寂場。

三七滿。至三月六日。為水邊定。四七日滿。三月七

日。受提謂長者食。然後至鹿野園。正五七日內。三

月八日也。涅槃云。初生出家成道。轉法輪。皆以八

日。

初為喬陳如說四聖諦法。汝今應當知苦斷集證滅。

修道當佛三轉四諦十二行法輪。因果經。法華經。大通受請。三轉十

二行法輪

藏教聲聞人依生滅四諦。一苦諦者。二十五有依

正二報。四洲。四惡趣。六欲。并梵天。別則二十五有。四禪。四空。無想。五那含。

揔則六道生死二集諦者。即見思惑。見惑有八十八。使思惑有

一八十一品。三滅諦者。滅前苦集。顯偏真理。四道諦者。略

則戒定慧廣。則三十七道品。命。為七科。一四念前。處至七八正道等。

二諦為世間因果。苦。因果。後二諦為出世間因果。果滅。

道。因。此。依四教儀。三轉者。示轉勸轉證轉。示謂示其相狀。

如云此是苦。乃至此是道。勸謂勸令其修。如云此

是苦。汝應知。乃至此是道。汝應修。證謂引已證。彼

如云此是苦。我已知。不復更知。輪以摧碾為義。唯

教無行。豈能摧感。教行相循。共能摧感。八妙樂。十二

行法輪者。有二釋。一約四諦教。謂三轉四諦為教。

十二即能轉也。二約十六行。謂三轉皆生眼智明。



覺四種之行爲行十二即所轉也

文句○言十六行者謂苦法忍

爲眼苦法智爲智比丘忍爲明比丘智

時憍陳如得法眼淨即初果也妙經嚴王品得法眼淨妙樂云豈王夫人與八萬皆

持此經而聞品得小果邪名同義殊善須地神歡喜

唱言如來今日於此轉妙法輪虛空諸天展轉唱聲

至阿迦膩吒天此云色究竟天世尊知四人心念重爲廣說

四諦亦得法眼淨時五人白佛欲求出家世尊呼彼

五人善來比丘須髮自落袈裟著身即成沙門佛復

爲說五陰無常苦空無我漏盡意解成阿羅漢於是

世間始有六阿羅漢阿羅漢爲佛寶四諦法輪爲法

寶五阿羅漢爲僧寶三寶具足是爲人天福田因果

五年時有長者子名曰那舍聰明利根於中夜見空

中光開門尋光趣在野苑佛說四諦成阿羅漢願求

出家佛言善來比丘即成沙門時那舍父尋子佛所

佛爲說法利法眼淨受三自歸爲最初優婆塞又那

舍朋類五十長者聞那舍出家共詣佛所願求出家

佛言善來比丘即成沙門是時始有五十六羅漢佛

告諸比丘汝等宜各遊方教化衆生時諸比丘禮足

辭去世尊即發波羅奈趣摩竭提國日暮寄宿宿夜接

頻螺迦葉住麁降伏火龍授三歸依置於鉢中以示

迦葉歡未曾有佛知迦葉報緣漸熟即趣尼連河側

憍梵王求請入般涅槃至於三請世尊答曰所應許



者皆未究竟魔王聞已即還本宮時頻螺迦葉與王  
百弟子願求出家佛言善來比丘即成沙門佛說四  
諦漸漸乃得阿羅漢果以事火之具拾棄河中時頻  
螺二弟一名那提一名伽那在河下流見兄火具還  
流而下心大驚愕即往尋兄見兄身披袈裟乃各與  
二百五十弟子願求出家佛呼善來比丘即成沙門  
得阿羅漢世尊即與頻螺迦葉及千比丘往王舍城  
詣頻婆娑羅王所王之父王與百官出城迎佛佛為  
說法王及八萬那由他婆羅門大臣人民得法眼淨  
經國有長者名曰迦陵往詣佛所奉上竹園王舍城旁五里可作精舍王敕諸臣起諸堂舍迎佛

入城住竹園時王見佛頻婆娑羅王為其首諸僧  
伽藍竹園為始普曜經○案中本起經迦蘭陀長者  
召蘭叉排受尼健驚怖馳走長者惟喜詣佛至之  
六年二月佛在象頭山為龍王鬼神說法十二  
七年二月婆羅門舍利弗路逢婆耆比丘說偈得法眼  
淨歸與親友目犍連宣說偈言亦得法眼淨即各將  
一百弟子往詣竹園求願出家佛呼善來比丘須髮  
自落髮被身即成沙門又復為彼二百弟子宣說  
四諦亦成阿羅漢時世尊即與一千二百五十大阿  
羅漢於摩竭提國廣利眾生因果時有婆羅門名曰  
迦陵然巨富捨家入山自剃須髮空中諸天詔令



見佛迦葉即趣竹園佛為說法得阿羅漢以有六  
德智慧名之為大迦葉經因果迦葉於多子塔值佛乃  
求出家即以毗衣奉佛為座價直十萬兩金佛即授  
商那納衣納衣經云商那此云草衣納衣者頭陀三  
八年刻之佛在毗舍離國因須提那子持信出家後  
還本村與其故二故者舊妻共行不淨諸比丘舉過  
白佛即集眾訶責云汝所為非威儀非淨行所不應  
為始制淫戒開初犯未結罪律僧祇  
九年子成舍衛國波斯匿王此云大臣須達家君大富  
喜濟貧乏孤老之人因名為給孤獨宴往羅門城即  
舍見世尊即為說四諦法成須陀洹云如來降屈舍

行專謂彼無精舍須達曰還國當立佛敕舍利弗  
共往案行諸地唯太子祇陀園地祇陀此云戰勝太子  
故立正得其所須達白太子欲買之太子言能以黃  
金布地間無空者便當相與須達使人象負金出八  
十頃中須臾欲滿祇陀念言佛必上德能使斯人輕  
賢如是乃今止勿出金園地屬卿樹木屬我乃自起  
門屋共立精舍為佛作室別房千二百處白王遣使  
詣王舍城請佛及僧世尊放光動地至舍衛國一切  
大集各得道迹以二人同立精舍號為太子祇樹給  
孤獨園經賢愚是年冬佛在羅閱城因檀尼迦在閑靜  
處草屋坐禪為人持去乃作全成凡羣佛令打破便



詐言王教取彼要材為王巨人民訶責無使入村勿  
復安止比丘以過白佛始制盜戒佛在毗舍離城為  
諸比丘說不淨觀習定已厭患身命歎死勸死難提  
比丘受額段入額作龜谷漢書遂制殺戒時因殺貴  
乞食難得婆求河邊有安居者便共稱歎得上人法  
信心居士咸分施之後往佛所因問訶責制妄語戒  
自此以後隨犯隨制律僧祇時父王遙聞子得佛道已  
六年來令梵志優陀邪往迎佛曰別聞已來十有二  
年自出家至成道六年有思欲一見優陀邪受教  
詣佛願求出家即得阿羅漢佛念今將還國當度父  
母乃先遣優陀邪往至本國現十八變王益悲喜救

群臣萬民出四十里親往迎佛佛身丈六相好光明  
體紫金色如星中月見諸梵志又在山中身體黑臭  
在佛邊侍如黑鳥在紫金山王乃勅國中豪族選五  
百人出為沙門侍佛左右猶如鳳凰在須彌山音羅  
時佛入宮坐於殿上王及臣民日日供養百種甘饌  
佛說經法所度無量邪輪夫人攜子羅睺羅來請問  
訊時年六歲時王僚屬咸疑太子去國十有二年何從生  
子佛告群僚曰邪輪守節無瑕今當見證於是世尊  
悉化眾僧皆使如佛邪輪即以指印信環與羅睺羅  
是汝父者以此與之羅睺應時直以印環而授世尊  
三及群臣皆言善哉真佛子也音羅時阿那律調達



難陀跋提難提等八人釋子出家之日脫寶衣付優  
波離曰汝依我等以自存活今以此衣與汝資生優  
波離亦願出家即以寶衣懸之樹上共至佛所那律  
乞先度波離以除憍慢德律難陀次第作禮至波離  
前念不當禮佛言但以受戒前後不在貴賤論六莊嚴  
此是王子為貴破佛語提婆達多即謂汝宜在家分  
握惠施不宜出家如是再三提婆便生惡念此沙門  
妬心我宜自剃頭善修梵行後犯五逆有大光風繞  
提婆身便發悔心稱南無佛適稱南無便入地獄佛  
語阿難提婆在地獄經一大劫命終生四天王處轉  
生他化自在最後受身成辟支佛名曰南無增一阿

此言提婆出家後事後犯五逆乃是後事相帶而言  
皆是小乘經意若法華中佛言我因提婆達多善知  
識故令我疾成菩提又投記作天是年說殃掘摩羅  
王佛者此即大未開迹顯本之意是年說殃掘摩羅  
經妙玄云成道  
六年後說

十年已佛於拘邪尼國為婆陀和菩薩等八人說般  
舟經明苦行事十二

十一年庚寅阿難年八歲出家之日得白四羯磨具足  
戒三羯磨通前單白故云白四度一百十阿羅漢受

三語戒始以寶刀剪剃須髮又囑憍陳如等徧三天  
下為諸沙彌授戒律是年佛於柳山為純真陀羅

王弟說法十二

十二年辛卯佛遣目連白父王及那輸曰太子羅睺年



已九歲應令出家邪輸答曰如來為太子時娶我為妻未滿三年逃至山澤勤苦六年得佛還國今復欲求我子何酷如之還如毗羅國也時目連方便喻曉絕無聽意世尊即遣化人空中告曰汝頗憶以五百銀錢買五莖蓮華上定光佛時汝求我世世為妻我言菩薩屢劫行願一切布施不逆人意汝能爾者聽我為妻汝立誓言隨君施與誓無悔心而今何故愛惜羅睺不令出家邪輸聞已還識宿命如昨所見愛子之情自然消歇捉羅睺手付囑目連時淨飯王即集國中豪族各遣一子隨從我孫有五十人往到佛所使阿難與其剃頭及五十諸王公子命舍利弗為其和上

目連為阿闍梨羅睺不樂聽法佛為說未曾有因緣得受十戒即證四果夫曾有因緣經淨飯王詣佛白曰佛昔出家尚有難陀今難陀已復出家餘情所寄唯在此子今當出家國計永絕佛即為王說法開慰復集諸比丘立制父母不聽不許出家彌沙塞律佛往機澤為陀掘摩說法十二經佛為諸比丘說八關齋戒八關齋戒經佛在羅閱城有十七群童子大者年十七小者十二以信出家比丘即度受大戒四分律不堪一食夜啼佛覺問知制年滿二十應受大戒四分律佛半月說戒眾集疲勞許僧伽藍各結大界四分律

十三年土辰佛還摩竭提國為弗迦沙王說法十二遊經樓



不<sub>三</sub>請立戒壇為比丘受戒佛令於祇園外院東  
 南建立<sub>律</sub>戒壇從地而立三重為相以表三空帝  
 釋又加覆盆以覆舍利大梵王以無價寶珠置覆  
 盆上是為五重表五分法身梵王寶珠大如五斗瓶  
 大福德者見之光照八百由旬薄福者見之如聚墨

南山戒壇圖經

十四年<sub>癸巳</sub>佛往恐懼樹下為彌勒菩薩說本起經<sub>二十</sub>

經

十五年<sub>甲午</sub>佛再還迦毗羅國為父王說法度釋種八  
 萬四千人得須陀洹果<sub>十二</sub>佛還本土足升空行與  
 人頭齊使父王接足而巳不<sub>分</sub>發屈身<sub>別功德經</sub>○  
此即使父王反

敬為生福之益然在佛則可若未代比丘佛為父王大

眾說觀佛三昧佛身金色光明無量時五百釋子以  
 罪障故見佛色身猶如灰色羸婆羅門佛為說往昔  
 邪見之罪令稱佛名作禮懺悔即見佛身金色如須  
 彌山求佛出家得阿羅漢<sub>觀佛二</sub>初佛還國大愛道  
 求出家<sub>佛姨母摩訶</sub>再三不許佛再還國復求出家  
 如前不許阿難白佛大愛道至心欲受法律願佛聽  
 之佛令盡形壽行八敬法時大愛道得出家為比丘  
 尼<sub>起中本</sub>始<sub>起經</sub>比丘尼受八敬法一者百歲比丘尼禮初  
 夏比丘足二者不得罵謗比丘三者不得舉比丘過  
 比丘得說尼過四式又摩那應從衆僧求受大戒五



者尼犯僧殘應半月在二部僧中行摩那堪六者尼半月內  
當於僧中求教授人七者不應在無比丘處坐夏安居八者尼  
夏末當詣僧中求自恣人律分佛告阿難我滅度後正法一  
千年由女人出家減五百年後為說八敬法還得二千年法住記  
述曰如來在十六大國於十二年中行化度人說  
四阿含等經及七佛略教誡至是年始說廣戒即  
比丘二百五十戒尼五百戒由夫二衆隨犯隨制  
而佛於後時結集條章以為出家者持奉之本耳  
第三方等時者示一佛土令淨穢不同示現一身巨  
細各異一音說法隨類各解神力不共故見有淨穢  
聞有褒貶喚有瞻匄不瞻匄華有若身不著身慧有

若千不若千此如淨名方等女一○補注若千當作  
無次說方等者即是次小說太佛本授大衆生不堪  
故抽大出小令斷結成聖雖有此益非佛本懷次說  
方等維摩思益殃掘摩羅現現掘摩羅此云一切世間  
人相具足第一對佛說偈佛言善哉即成沙門佛首  
佛足成阿羅漢釋梵四王十弟子文殊等皆被訶斥  
掘摩羅是也妙玄云一切寶莊嚴有佛名大精進即殃  
證第三時教以故及此耳彈訶小乘保果之癖在  
聞譏刺三藏斷滅之非兼於鉢故身子善吉齊教專  
小初不聞大乘威德善吉茫然失鉢淨名經云須善  
維摩詰取鉢盛滿飯謂我言若能於食等者諸法  
亦等諸法者於食亦等如是行乞乃可取食諸諸  
佛毀於法不入衆數終不得滅度故若如是乃可取  
食時我世尊聞此茫然不識是何言不知以何答便



出其身舍身子怖畏卻華維摩詰室有一女謂舍利弗曰結習未盡華著身耳結習盡者華不著也不知是何言不知以何答入道之主故寄  
 此二然方等彈訶教在三藏之後被訶之時應在十  
 二年前以鹿花十二年在方等何以得知皆追述昔  
 訶驗是前事何者前已稟教得道證於無學荷佛恩  
 深心相體信不復悲怒自昔至今悉殃掘之譏任淨  
 名之折得為取小慕大之益玄彈偏折小歎大褒圓  
 玄十○彈偏如淨名菩薩品謂彌勒云世尊授仁者  
 記為用何生授記乎過去無量阿僧祇劫在淨  
 妙眾生即菩提相若彌勒滅度者一切眾生亦當  
 又云菩提者不可以身得不可以心得又殃掘經云  
 殃掘阿羅漢偏折小歎大褒圓  
 彈三教之偏○折小如弟子品目連為居士說法  
 名河云夫說法者當如法說無有名字言語折文法  
 有說離覺觀故是用行開三教破目連三不

若外如法相說內如法相解是用通教即空片不即  
 空說決不當理二若外解根緣內善知見得無罣礙  
 是則別破二若外慈念眾生內念報佛恩是用圓破  
 又殃掘折十弟子是為以行門三教之大折藏之小  
 為數大如眾生品譬如幻師見所幻人皆嗟觀眾生  
 為若此也如智者見水中月鏡中象熱時酸苦菩薩觀  
 眾生為若此也今通譬眾生者即通圓二教意○褒  
 圓文殊白佛云彼上人者難為開對深達實相善說  
 法要此褒淨名也文殊入淨名室淨名曰善來四教  
 文殊不來相而來不見相而見此褒文殊也  
 俱說藏為半字通別圓為滿字對半說滿故言對教  
 濕槃經云譬如長者唯有一子心常愛念晝夜殷勤  
 但教半字不教滿字良由其子力未堪故半是小乘  
 九部滿是大乘十二部  
 約人約理此說可知  
 若約時則食時辰時從平也  
 若約味則從酪出生酥此從修多羅出方華經一玄  
 信解品云過是以後心相體信入出無難文句云相信



也。謂於三藏得涅槃。價此既不虛。今為菩薩說此大  
乘。亦復非虛。此即子信父也。佛知此等見思已斷。聞  
必不謬。無漏根利。聞微生信。此即父信子也。由此見  
尊特身聞大乘教。名之為入。復被訶折。猶見丈六說  
小乘法。名之為出。大然其所止。猶在本處。雖入大乘而  
小出入。而無疑難也。謂是菩薩之事。非已。智分不肯。想小  
向大。猶居羅漢。不言未來當得作佛。此領何義。明三  
藏之後。次說方等。已得道果。心相體信。聞大名入。住  
小名出。苦言彈訶。名無難。又進至宅內。見群臣豪族  
大功德力。故名為入。出者。止宿草菴。二乘境界。故名  
為出。心相體信者。得羅漢已。開罵不嗔。內心慚愧。不  
敢以聲聞支佛法化入也。女十。淨名經云。阿難曰。不  
為深。自責云何。而白欺此。小也。不知當云何得佛。無上慧。此慕大也。  
方等部教立名。舊說方等立名。但分事理未足以

盡其義。今依經疏記文。以為之委釋。光明經云有  
一比丘。讀誦大乘方等經典。光明玄云。方等之教  
通於三乘。新本經云。欲生人天。欲得四果。支佛欲  
得佛。皆應懺悔。滅除罪障。安處方等。續遺記云。方  
等之名。有二義。若大經從略出。生酥。修多羅。出  
方等典。此約第三時。名方等。即被三乘四教。機若  
普賢觀。稱方等者。乃直明圓理。今所引方等。恐謂  
同普賢觀。從理立稱。故引三乘懺悔之文。以定此  
名的。從部教  
方等不專事理。諸文論方等。有三說。一者從事大  
經。從修多羅出。方等無量義經。次說方等。釋籤生



耐調斥方等光明經讀誦大乘方等光明玄方等  
之教通於三乘此旨指第三時教二者從理普賢  
觀經此方等經是諸佛眼三事理並通止觀云般  
若有四種方法謂四門入清涼池即方也所契之  
理平等大慧即等也今第三時準四明立義的從  
部教以定此名故不專於事理也

十六年乙卯佛在毗耶離城菴羅樹園說維摩詰經  
此天竺傳最淨菴羅樹譯為奈其形似梨華多子  
少作摩詰此天竺名三歲地土有大名稱此即萬華

十七年丙午佛說思益梵天所問經  
經云東方有佛號  
天名曰思益

十八年丁未佛在南海濱楞伽山頂說楞伽阿跋多羅  
寶經大慧菩薩問世尊言外道尚遮不許食肉何況  
如來大悲含育而許自他食肉邪佛答菩薩有無  
量因緣不應食肉謂一切眾生從本以來展轉因緣  
常為六親以親故不應食肉不淨氣分所生長故不  
應食肉眾生聞氣悉生怖畏如旃陀羅不應食肉令  
諸呪術不成故不應食肉  
案華嚴論云楞伽山遊空  
神通者能到阿跋多羅此云遊入謂佛大衆度海彼  
岸受夜又王請外空而往○藏云若大衆中梵網已  
制今猶作此說當知楞伽在四含之後為漸制又說  
之者佛答菩薩不應食肉故知仍有小教中開  
金光明經楞嚴三昧經楞嚴此三經相分別知將二  
諸兵力多少勝鬘夫人經便大方廣經藏云勝鬘是  
見法果次第勝鬘夫人經便大方廣經藏云勝鬘是



末利夫人女未利及王既信佛已以書與女女對使  
者而說偈言仰惟佛世尊普為衆生出亦應愍我  
速來至此處即發此念時佛於空中現又說偈云如  
來妙色身世間無與等無比不思議是故今信我云  
云○未利是奈爾  
生女波賈匿王王記

十九年戊戌佛成道始十六年知諸菩薩住持法藏於  
妙色天二界中間出大寶階廣集十方諸佛菩薩大  
衆俱登寶階上升虛空為說大方等大集經諸菩薩  
欲來入會各隨其德先現其相空藏現空海藏現水  
並不見有大衆唯見空水除菩薩現相時諸天龍作  
如是言我等從今以往護持正法若諸國王鞭打出  
家持戒毀戒者我等不復護持其國聲聞弟子悉向  
他國使其國土空無福田令其國土疾疫饑饉刀兵

俱起風雨亢旱傷害苗稼爾時世尊付囑毗首羯磨  
天子迦毗羅夜又大將雙瞳目十七天女各及五千  
眷屬汝等護持振且國土於彼所有關諱言訟兩陳  
交戰饑饉疫病風雨寒熱悉令休息令我法眼得久  
住世佛告彌勒諸菩薩我今憐愍諸衆生故以此報  
果分作三分一分自受一分與我滅後禪解脫三昧  
堅固相應聲聞令無所乏一分與彼破戒誦經聲聞  
正法像法剝頭著袈裟者令無所乏勿令惡王共相  
惱害復以彼諸施主寄付汝等大集經○案佛藏經  
當二心行道勿念衣  
食如來白毫相中一分供諸末  
代一切出家弟子亦不能盡佛言若有出家設不  
持戒彼人已為涅槃印之所印若有打罵若奪衣鉢



資生具者是人則壞諸佛報身挑一切人天眼目國王群臣諸斷事者如見出家作大罪業大殺大盜大汗梵行大妄語及餘不善但擯出國不聽在寺同僧事業不得鞭打罵辱加其身罪若故違法謫罰者是人遠離人天必歸地獄何況鞭打出家具足持戒者

大集經

舍利弗等白佛言我等雖獲稱為佛子皆是如來之咎非我等過何者若使如來誓無三乘我等豈不成於正覺何為如來而不見聽在於聖例時身子等脫衣悲泣大千震動

瓔珞經

述曰瓔珞言舍利弗被訶之後心漸向太然猶有

怨佛之言以為若無三乘則我等已成正覺皆如來咎非我等過逮至法華法說周則云我等同入法性云何如來以小乘法而見濟度是我等咎非世尊也是知瓔珞不解方便則咎佛法華已入法性則咎已

佛在祇洹精舍時波斯匿王為其父王諱日營齋請佛宮掖城中復有長者居士同時飯僧佇佛來應佛勅文殊分領菩薩及阿羅漢應諸齋主唯有阿難遠遊未還不預僧次途中獨歸其日無供即持應器入城循乞遭摩登伽女以先梵天咒攝入娑室如來知彼娑術所加腐畢旋歸頂放百寶光明千葉寶蓮有



化佛趺坐宣說神咒勅文殊師利將咒往護提獎阿  
難及摩登伽來歸佛所阿難見佛頂禮悲泣恨無始  
來一向多聞未全道力殷勤啟請十方如來得成菩  
提最初方便佛為阿難說法名大佛頂首楞嚴經  
錄云智者聞天竺有首楞嚴經每祈願早至此上

述曰一化終窮在乎開顯開顯之妙功歸法華  
餘諸經有圖說者皆方等四教並談之義而孤山  
乃欲以楞嚴同法華醍醐之味是不思方等收經  
而有失法華渾一無雜之旨也  
述曰佛說方等經典至此凡八年今但列當道諸  
經以見四教並談之義

第四般若時者大人蒙其光用嬰兒喪其精明故文  
云但為菩薩演其實事而不為我說斯真要雖三人  
俱學二人取證具如大品文一錄云菩薩蒙般若光  
兒若視日輪令眼失光以無明全次說摩訶般若華  
嚴海空歷劫修行者此是方等之後而明大品大品  
或說無常無我或說於空或說不生不滅皆歷色心  
至一切種智句句迴轉明修行法又百千比丘萬億  
人天得須陀洹及阿羅漢住辟支佛者驗是共般若  
也而言華嚴海空者錄云而言下明不共般若共  
二乘共依法性論鈍根菩薩三處入法界初般若次法  
華後涅槃因聞般若入法界即是華嚴海空文十次



說般若轉教付財融通淘汰集解正此般若中不說  
藏教帶通別一正說圓教須善提解空舍利弗等  
佛以般若空慧之法加波二人轉為諸菩薩說諸法  
空莫不清淨以此之故轉度於他經云我等雖為諸  
佛子等說苦薩法而無希取故云轉教付財者世間  
長老七寶寶為財出此法王般若為財若約佛意以此  
般若加彼二人即是付財其如二乘但謂加說故大  
品云豈聲聞人敢有所說有所說者皆佛力耳若約  
化意但是領知家密成別益至法華時方得名有  
付財故經云吾今所有皆付是子有融通者般若會一  
切法悉奉訶衍乃是三般若通之法非謂圓融之融  
如籤云若以圓融三般若以圓融三般若為圓融之融  
三般若藏即融通為融通法者大論云澄洗也  
以空慧水清漸清漸淨說之漸清漸洗米也  
方等彈河共義稍疎今此般若正當共部諸行云旁  
用通教正用別圓加於二乘空小共在又籤云前於  
方等意雖不共然猶有方等須受此二明不共者部  
意也意雖不共然猶有方等須受此二明不共者部  
有門旁得小者見故兼用今約論圓對論云  
帶二說同若仁王般若說四無常偈舊昔明王持國

若約時則禺中籤一禺亦作隅已時日景將中而  
申巳亥為四隅若約味則從生酥出熟酥此從方等出般若  
文籤  
信解品云時長者有疾自知將死不久文句機應為  
化機將畢語窮子言我今多有金銀珍寶理則非多  
應謝非久故言多耳金喻別教理別在菩薩即不共般若別圓  
二教所詮理也銀喻通教理與二乘同證即共般若  
通教所詮理也般若明理不倉庫盈溢其中多少所  
出此二珍寶者明一切法門倉庫盈溢其中多少所  
應取與汝悉知之倉是定門即百八三昧庫是慧門  
包藏一切禪定智慧內充外溢菩薩行般若應窮子  
知廣畧二門故云多少自行為取化他為與窮子  
受教領知衆物而無希取一餐之意善吉雖說般若  
自謂我無其分



然其所止故注本處舊居此領何義此從方等後次說般若般若觀慧即是家業歷於名色乃至種智即是衆物善吉等轉教即是領知但爲菩薩說不自行證故無希取文十

二十四年癸卯佛於靈鷲峯給孤獨園他化自在天宮竹林園四處十六會說大般若沙羅蜜經靈鷲峯在摩舍城五里竹林園在城旁給孤獨園在舍衛國並中印土境

○四處十六會圖

- 第一會鷲峯山說四百卷品七十九單譯
- 第二會鷲峯山七十八卷品八十五單譯
- 第三會鷲峯山五十九卷品三十一單譯

大品放光光讚

新道行大明度

- 第四會鷲峯山說十八卷品二十九單譯

- 第五會鷲峯山說十卷品二十四單譯

- 第六會鷲峯山說八卷品十七單譯

- 第七會給孤獨園說二卷品無重譯

- 第八會給孤獨園說一卷單譯

- 第九會給孤獨園說一卷重譯

- 第十會他化天宮說一卷單譯

- 十一會給孤獨園說五卷單譯

- 十二會給孤獨園說戒五卷單譯

- 十三會給孤獨園說忍一卷單譯

- 十四會給孤獨園說勤二卷單譯

勝天王  
文殊

金剛  
什羅



十五會寶峯山說定二卷單譯

十六會竹林園說慧八卷單譯

大品般若四十卷案藏經目錄云摩訶般若三十卷光讚般若十卷龍樹用此本作智度論百卷智者依此論作疏二十卷今在高麗未至若放光金剛等十經皆是晉宋間譯至唐奘法師始譯出大般若經六百卷當知前十經皆重譯之文智者諸部文所引正大品中義是晉羅什譯在唐譯大般若之前也

述曰四教儀所列般若諸經名摠別重出難於分別今但摠標大般若經云若大品小品天王文殊金剛十經皆大般若中重譯別行之文今故不列蓋摩訶即是小品又釋籤云古判般若有五時一摩訶二金剛三天王四光讚五仁王此未可用光讚此是大品上帙案此則又知光讚不當重出也此未用之言乃是荆溪摠欲古師五時之失

二十五年甲辰

二十六年乙巳

二十七年丙午

二十八年丁未

二十九年戊申

三十年己酉



三十一年 戊寅

戊庚

三十二年  
辛亥

亥辛

三十三年壬子佛在王舍城耆闍崛山中爲舍衛國波

斯匿王諡般若波羅蜜十四正行復囑王曰當國土

欲亂賊來侵國。日月星孳。大火大水。五穀不登。大風。

亢旱應請百法師敷百高座。一日二時誦讀此經。

百部鬼神樂聞此經護汝國土萬姓安樂

帝王歡喜。君王行時。置經七寶案上。置前足一百步。

君王佳時置七寶帳座月日供養如事父母時十六

大國王聞茲歡喜即以國事付弟出家修禪證一切

行般若波羅蜜道二十九年已爲我說摩訶般若

十六大國者。舍衛國。摩竭國。波羅奈國。迦舍國。迦毗羅衛國。拘尸那國。憍薩羅國。跋耆國。錫蘭國。憍乾國。菟陀國。沙陀國。僧伽羅國。健陀國。羯荼國。波提國。

三十四年癸丑佛成道已過三十年。住王舍城告諸比

丘誰能爲我受持十二部經供養左右時憍陳如白

言我能供給佛言汝已朽邁云何爲我給使乃至一

百阿羅漢皆悉不受自連入定見如來心在阿難加

日初出光照西壁語惱陳如陳如語阿難曰汝今當

爲如來給使阿難言願如來與我三願一者不受如

來故衣。二者不隨如來受別請。二者聽我出入無時。

佛言善哉。具足智慧。預見譏嫌。何以故。若有人言。汝



為衣食奉給如來是故不受故衣不隨別請出入有時則不能廣利四部故求出入無時我為阿難開是三事涅槃經

述曰涅槃經云佛告文殊吾弟阿難給事我來二十餘年又後分經云阿難偈曰我為侍者二十載故知此年始為侍者文句云阿難侍佛時年二十五佛年五十五侍佛得二十五年未知出何經

三十五年甲寅

三十六年乙卯

三十七年丙辰

三十八年丁巳

三十九年戊午

四十年己未

四十一年庚申

四十二年辛酉佛赴王舍城食訖金羅云洗滌失手撲鉢以為五片佛言我滅後百年諸比丘分毗尼藏以為五部其後百年逾多尊者有五弟子各執一見曇

無德部法名四分此云法密薩婆多部法名十誦此云有

迦葉遺部法名五分此云重沙彌塞部法名五分此云不

有無婆蹉富羅部律本不來此云此五部律皆以僧

祇律為根本

四十三年壬戌

四十四年癸亥

四十五年甲子



四十四年癸亥

四十五年甲子

述曰佛說般若諸經至此凡二十二年

第三秘密教者如來於法得最自在若智若機若時若處三密四門無妨無礙智謂大聖機謂身口意密次第不擇時處身口意密隨何四門無礙此座說顯十方說漸說不定十方說顯此座說漸說不定此座不開十方十方不開此座十方此座指對或俱顯俱漸俱不定依義文義加三俱字亦座指對或俱顯俱漸俱不定應作十方此座相對各不相知於此是顯於彼是密此即人不相見法不共聞互不相知得益不此約此座十方相對或為一人說顯或為多人說漸說不定或謂一人說漸或為多人說顯或俱漸

俱顯俱不定如前義各不相知互為顯密此是人相得益不定知此約一人多人相對或一或二或三或四或五或六或七或八或九或十或十一或十二或十三或十四或十五或十六或十七或十八或十九或二十或二十一或二十二或二十三或二十四或二十五或二十六或二十七或二十八或二十九或三十或三十一或三十二或三十三或三十四或三十五或三十六或三十七或三十八或三十九或四十或四十一或四十二或四十三或四十四或四十五或四十六或四十七或四十八或四十九或五十或五十一或五十二或五十三或五十四或五十五或五十六或五十七或五十八或五十九或六十或六十一或六十二或六十三或六十四或六十五或六十六或六十七或六十八或六十九或七十或七十一或七十二或七十三或七十四或七十五或七十六或七十七或七十八或七十九或八十或八十一或八十二或八十三或八十四或八十五或八十六或八十七或八十八或八十九或九十或九十一或九十二或九十三或九十四或九十五或九十六或九十七或九十八或九十九或一百一座默十方說十方默一座說或俱默俱說各不相知互為顯密此約此座十方說默相對或一或二或三或四或五或六或七或八或九或十或十一或十二或十三或十四或十五或十六或十七或十八或十九或二十或二十一或二十二或二十三或二十四或二十五或二十六或二十七或二十八或二十九或三十或三十一或三十二或三十三或三十四或三十五或三十六或三十七或三十八或三十九或四十或四十一或四十二或四十三或四十四或四十五或四十六或四十七或四十八或四十九或五十或五十一或五十二或五十三或五十四或五十五或五十六或五十七或五十八或五十九或六十或六十一或六十二或六十三或六十四或六十五或六十六或六十七或六十八或六十九或七十或七十一或七十二或七十三或七十四或七十五或七十六或七十七或七十八或七十九或八十或八十一或八十二或八十三或八十四或八十五或八十六或八十七或八十八或八十九或九十或九十一或九十二或九十三或九十四或九十五或九十六或九十七或九十八或九十九或一百且寄三法說出其相或一或二或三或四或五或六或七或八或九或十或十一或十二或十三或十四或十五或十六或十七或十八或十九或二十或二十一或二十二或二十三或二十四或二十五或二十六或二十七或二十八或二十九或三十或三十一或三十二或三十三或三十四或三十五或三十六或三十七或三十八或三十九或四十或四十一或四十二或四十三或四十四或四十五或四十六或四十七或四十八或四十九或五十或五十一或五十二或五十三或五十四或五十五或五十六或五十七或五十八或五十九或六十或六十一或六十二或六十三或六十四或六十五或六十六或六十七或六十八或六十九或七十或七十一或七十二或七十三或七十四或七十五或七十六或七十七或七十八或七十九或八十或八十一或八十二或八十三或八十四或八十五或八十六或八十七或八十八或八十九或九十或九十一或九十二或九十三或九十四或九十五或九十六或九十七或九十八或九十九或一百

秘密得名玄云顯露不定秘密不定或云為對秘密須安顯露云由前四味有一類機顯露不解宜秘密入是故如來不思議力隱覆密說要令衆生互不相知得漸顯益耳秘密立體義釋玄文云身口意密隨何四門無礙又籤云以秘密不出此七逸堂以三密四門以當



體雖真中二理為所依體石坡以七教為所用體雖皆有憑要必以七教為義足

秘密文證此有二義一者義蓋經論妙玄引涅槃經迦葉菩薩設三十六問如來讚云我初成佛亦有菩薩來問斯義所問句義功德亦皆如是此佛親宣又般若經諸天子唱言我見閻浮提第二法輪轉今轉似初轉此諸天二者名出龍樹大論釋般若經云諸佛法輪有二種一者顯二者密初轉聲聞見八萬一人此顯露諸菩薩見無量阿僧祇人得無生忍此教密不定教秘密不傳文句云秘密者隱而不傳記云降佛已

還非所述故尚非阿難能受豈弘教者所是而難非不傳秘赴機之密非所傳耳故秘密不用全顯顯露是故傳秘祇名傳顯諸師皆云上聖赴機之密互不相知故不可傳若涅槃中如來親宣般若中天子唱出皆結集為文還成顯露故可傳耳秘密橫被籤云秘密橫被無時不徧云豈於法華有秘密邪須知顯露堅論雖在四時而有華嚴鹿苑大小之隔若秘密橫論則隱顯在機無時不徧徧前四時非徧法華時也又籤云五味則一箇堅進皆有半滿秘密不定此釋文文破南師但用五味但得此方便北師徧用半滿但得其實今家以五味成半滿



半滿成五味故云味味皆有半滿秘密不定此相  
成釋義一往如此非謂法華中有前四味秘密不  
定也故玄文云權實俱遊如鳥二翼雖復俱遊半滿俱用行藏得所五味半滿相成謂之行謂相成法  
華醍醐滿字也

法華非秘密是秘密玄文法華是顯露非秘密又  
云法華是秘密般若非秘密云前是顯非密者  
謂非覆隱之密如前教有二乘發心不令未發心  
者知是故覆密今望般若為密者此是秘妙之密  
般若中無法華為勝又玄云般若不明二乘作佛  
故非秘密又玄引大論餘經非秘密法華秘密

云非八教中之秘密但是前所未說為秘開已與  
外復為秘即四一餘

秘密三義云須知秘密語同意別云今列諸文  
具出三義一者真秘玄云法華是秘密云是秘  
妙之密二者隱秘自有佛弟子二義玄引經云四  
十餘年秘而不說此昔所未說約如來為秘也妙  
樂云三周之中自論秘者法說周時密聞大車此  
謂上周根利顯了辭喻因緣之事對中下未悟名  
之為密此密有所聞約弟子為秘也三者秘密即  
妙玄所立秘密教如來隱密赴機互不相知者云是隱密之密







大經置毒乳中乃至醍醐皆能殺人云止觀引淨  
名經佛以一音衆生各解或有恐怖或歡喜人  
或生厭離或斷疑第一斯如來神力不共法云  
籤引大論初轉八萬得無生忍陳如得初果此皆  
證不定教也

置毒不定玄引涅槃五味譬四教位前三教教位皆成五味備  
在玄故知前三教五味皆粗圓教一味皆妙云有人  
皆妙五味經云詳如有人置毒乳中則能殺人乃至  
醍醐亦能殺人此譬兩用一通約漸頓明不定教  
處處皆得見佛性二約行不定行人心行譬之如  
乳實相譬之以毒此毒有殞命之能此實有彼無

明之力久遠劫來說實相毒置於九夫心乳毒慧  
開發不可爲定或於初味發或於後味發不得次  
第往判故言置毒乳中乃至醍醐徧五味中慈有  
殺義云若圓教中發者始聞經即破無明見佛性  
是乳中殺人六根清淨去是酪生酥熟酥等殺人  
若初住去是醍醐殺人玄文先列前三教隨何位  
人乃至醍醐殺人○昔師云毒置衆生心中道即是乳中殺  
五味喻五道以一毒置衆生心中乳中隨於五道受  
身之毒毒性不失毒發性顯之時無局何身若天  
道得發即醍醐中發義既不定故於不定教明  
○一音不定輔行引起信論云圓音一演異類等解  
又如如來八十好中一音能報衆聲殊方異類莫  
不獲益如來本非一切音辭而能徧赴一切音辭



並與此不定義同。籤引華嚴云：佛以一妙音周徧十方國衆，聲悉具足。法雨等，充徧又大論云：欲得一音徧十方，當學般若。此等皆大毗曇論云：佛爲四王作聖語，說四諦二解二不解。梵天又作毗陀羅語，說四諦一解一不解。又作梨車語，說四諦四王俱解。以此四王各念不同，故佛三說。以赴彼念。○揔釋秘密不定義，引大論諸佛有二法輪。一者顯二者密。初轉聲聞，見八萬諸天得無生忍，陳如得初果。定於家不諸菩薩見無量阿僧祇人得無生忍。乃至十地一生補處，是名爲密。今家秘所提籤云：玄引大經，或時說深，或時說淺等，名不定者，以由彼此

互相知，故若秘密者，即互不相知，不定與秘密並皆不出同聽異時。同，稟如來一音之教，故曰同聽。又籤云：不定與秘密但有互知，不定互不相知，以辨兩異。

揔釋顯密有定不定四旨。

一顯露定教人相見法共聞互相知得益定。玄云：如前分別，但約顯露明漸頓五味之相。籤云：通論顯露俱攝漸頓，二顯露不定教人相見法共聞互相知得益不定。玄云：一時一說一念之中，備有不定。此乃顯露不定。三秘密定教自，分二：自有人不

相見法不共聞互不相知得益定。

此在十自有人方對論。



相見法共聞互不相知得益定一人多入者論四秘密不定教自分二自有人不相見法不共聞互不相知得益不定此座十人對論今之秘密及不定二教此是秘密不定教顯露不定教云云今法華是顯露非秘密是漸頓非漸漸是合非不合是醍醐非四味是定非不定

### 第五法華涅槃時

述曰玄云今佛靈山八年說法涅槃臨滅則已同正八年此時同也玄云法華大王偈涅槃醍醐此時同也又玄云二經教意起盡是同此開顯同也

四教儀引涅槃云從摩訶般若出大涅槃故合法華為第五時也

言法華者日光普照高下均平若低頭若小音若散亂若微善皆成佛道義云教結散亂小微之類無不開之以成佛因不令有人獨得滅度皆以如來滅度而滅度之具如今經一良以妙法難解假喻易彰為蓮故華喻為實施權義云本為於實權文云雖示種種道其實為佛乘兩教因人別教數道五時八教華開蓮現喻開權顯實文云開方便門示真實相指實為權權掩於實各方便門開示謂指示其見實於權見實名方便門開示謂指示其見道之華落蓮成喻廢權立實文云正直捨方便但說無上道捨是廢之別名開已俱實無權可論義當於發權轉為實所廢體亡若留遺後緣復屬於



施非此中意○已又蓮辟於本華辟於迹從本垂迹  
上迹門三譬之文  
迹依於本迹不孤立文云我實成佛久遠若斯初明本  
但教化衆生作如是說我少出家得三菩提正明又  
華敷譬開迹蓮現辟顯本文云一切世間皆謂人始  
得道初迷我實成佛那由他劫正明又華落辟廢迹  
蓮成辟立本文云諸佛如來法皆如是引為度衆生  
皆實不虛正明廢迹廢已無迹故云皆實實祇是本  
法非此妙法無以取喻於蓮華又為蓮故華  
旨不出本迹○已上本門三譬之文  
華實具足可喻即實而權為蓮故華華掩於實為實  
華開蓮現可喻即權而實機熟須開彼能復情希  
名二為開開何華落蓮成蓮成亦落可喻非權非實  
所開即彼

實理同如是等種種義使故以蓮華喻於妙法玄一  
言開權顯實者開前頓漸會入非頓非漸集解云開  
三時之漸四時三教咸為所開不同華嚴華嚴之頓  
頓不同三時次第故非漸今經開頓無不成佛故云  
會入非漸言權實者名通今昔義意不同前三教權實  
頓非漸言權實不二權即是實實外無權此義不同昔  
經權實隨順機宜悉極運會而已今經為實施權意  
在於實開權顯實意謂法華已前權實不同大小相  
隔華嚴大隔於小鹿苑小隔於大方等同座如華嚴  
時一權一實權別實圓各不相即且所以者何初頓  
部一纏一妙一妙則與法華無二無別若是一纏須  
待法華開會廢了方始稱妙是同一妙無別者約教顯實



諸異見次鹿苑但麤無妙但一方等三麤一妙藏教藏教通  
馬妙般若二麤一妙已上通二時義意來至法華會  
上揔開會廢前四味麤開前四味麤會前四味麤  
會會今成一乘妙教行四時兩教二乘三教菩薩人埋  
妙別行記云云為實餘部未開權顯實意也諸味  
權立實此之權實餘部未開權顯實意也諸味  
圓教更不須開本自圓融不待開也在昔圓融不開  
昔賢普眼三無差別大集淨一切融通淨名不思  
義毛孔含納思益綱明無非法界般若諸法混同無  
二此等圓妙與今法華佛之知見但見部內華但對  
無二無別豈可更開令成於邪  
帶故不及法華淳一無雜獨得妙名良有以也於  
行布差別鹿苑但一之滅之麤方等大乘對三藏  
於若所帶通別方此等四味不及法華統一歸集  
其義如此故文云十方佛土中唯有一乘法無二亦

三中有圓妙一乘無通教半備相對之二無三藏  
義出文句見因正直捨方便但說無上道三教  
釋迦章中教一之今取通義故以證行此但為菩  
薩不為小乘昔月方便謂化小乘今時開顯實是善  
已子開顯小乘作佛故云不為小乘菩薩上求下化  
因必至果故云但為菩薩此約義引文以證人一若  
據諸佛章則則是法住法位世間相常住眾生正覺  
云但教化菩薩是法住法位世間相常住下如無二  
惡不出如皆以如為位也出世正覺以如為位亦以  
如為相世間眾生亦復如是世間相既常住豈非理  
一此見文句云云記云相可表識位可久居眾生正  
覺相位無二顯迷即理即常住佛已契常眾生理  
是○末來佛時人未得法華妙旨但見部內有三車  
章以證理一時人未得法華妙旨但見部內有三車  
窮子化城等譬乃謂不及餘經蓋不知重舉前四時  
權獨顯大車但付家業唯至寶所故致誅謗之咎上



並四時之妙。若迹門三周。開顯之妙。初法說周。重舉四時之權。會三歸一。身子上振得記是也。次說周。說周。謂三車一車。譬前法說。四大弟子。設窮子喻。獲得家業。中根信解。作佛是也。三因緣周。明十六王子。下種中間。謂得今得授記。有化城寶所之喻。下根千二百聲聞等。獲益是也。人不見之。致致誑謗。如法涼師。李長。皆等。不及也。

若約時。則日輪當午。無側影。法華開顯三乘九界。咸皆悟入。譬如日輪。

正午無影。不明。是則先照高山。寅時也。次照幽谷。卯時也。次照平地。辰時也。禹中已時也。宋嚴觀。二法師與太史何承天。論中邊之國。依周禮用一尺五寸圭。立八尺之表。夏至。午時。以測日景。猶有餘陰。知此方非中國也。天竺此。時無餘陰。知為中國也。地上可敬。天上萬里。言側照者。餘陰也。歟。古作景。高。景。字苑。始改作景。尚書。惟敬。敬。蓋是。後人不識。改從敬。字。智者。陳隋。人在晉。後用敬。字。無可訛。

若約味。則從熟。味。出醍醐。此從摩訶般若。出法華。玄。○法華經。但云。此醍醐。今云。法華。味。法華者。以一經。同本。故義。立此。說。

信解品云。復經示時。法華父知子意。漸以通泰。無

異。成就太志。即發自鄙先心。欲求臨欲終時。化緣而

命其子。受化之徒非會親族。十方方法身菩薩影響

即自宣言。此是我子。從我受學捨吾逃走。背此大

生五十餘年。六趣昔在本城。懷憂推覓。自昔法身地

觀見可。忽於此間。遇會得之。始於今日此實我子。我

實其父。我實曾於二萬億佛所。常教今我所有。一切

財物。大乘萬行萬德皆是子有。指昔自大品。領教所

共法。此正付家業。時窮子聞父此言。即大歡喜。而作

是言。我本無心。有所希求。三藏本心。不求。方等。取小

已分。故。今此寶藏。自然而至。如此不求。般若。雖顯。非

不求。今此寶藏。自然而至。而全自得。此領何義。即



是於若之後次說法華先已領知庫藏諸物後不須  
說但付家業而已譬前轉教皆知法門不須重演觀  
法直破草菴腸一太車授記作佛記者十位授者授與  
記者皆有通別通開一切眾生皆當作佛別開  
當座悟入通記阿釋菩提別記劫國名號  
四十六年乙丑佛成道後四十二年說法華經法句記引  
○說法華凡三處三會始在靈山次升虛空後復  
還靈山法華以無量義為序普賢行法為結  
法華教主準四明立義法華所明三十二相名尊  
特者以即法身故是則生身即法身者便為尊特  
此就開權即劣顯勝而明尊特龍女欲彰開權妙  
相故云法身具三十二相此一一相全理顯現法  
身徧故三十二相相周徧法具萬德相亦須具

此之妙身不名尊特更指何身為尊特邪此則求  
異淨覺定是生身之義至若即一論三者和三十  
二相如來妙力為三藏示有分齊名曰生身祇三  
十二相如來妙力為從通入別機示無分齊名為  
尊特祇三十二相如來妙力為圓教機示一一相  
即是本性所具法門名為法身由三種機感於如  
來即於一身示三種相

四十七年丙寅

四十八年丁卯

四十九年戊辰

此五十由旬

淨飯王病重念見諸子佛在王舍城去  
父王所治迦維衛國王舍城在摩竭提  
國並中由今言五十由旬即相去二



野告難陀阿難羅云。即以神足至王官所。涌身虚空。放大光明。光照王身。患得安息。復以手著父王額上。曰。王是淨戒之人。心垢已離。今應歡喜。諦思經法。時王於卧。合掌心。禮忽就。後世諸釋。棺斂置師子座。佛及難陀。喪前肅立。阿難羅云。住在喪足。佛為當來世人不孝。躬欲擔棺。大千世界。一切震動。欲界諸天。諸龍鬼神。俱來赴喪。時四天王。跪請擔棺。各自變身。如人形像。世尊手執香鑪。前行出詣墓所。千阿羅漢。往大海渚。取栴檀香。鑪焚之。諸王收骨。置於金函。起塔供養。佛告眾會。父王淨行。生淨居天。淨飯王泥洹經。生五淨居者。第二。下果。阿那含人。

初波斯匿王舍衛國主。嫗於釋氏摩訶男。以家中婢生女。妻之生子。名流離。年八歲。令詣外家。學射術。時新作講堂。欲請佛僧。流離即升師子座。諸釋嗔罵之云。此婢生子。敢入中坐。摸之著地。後紹王位。往征釋種。目連三反白佛。佛言。宿緣已熟。今當受報。流離王既入城。取諸釋理脚地中。以象踏殺之。凡九千九百九萬人。流血成河。選五百端正釋女。欲與相接。一女罵云。我今何故與婢生種。通乃至五百女。皆如此罵。王取五百女。則手足擲阬中。還至舍衛。兄祇陀太子出見。流離主曰。吾與諸釋戰。何不佐我。祇陀曰。我不堪殺害眾。生王即拔劍殺祇陀。命終即生。忉利五百釋女。



稱怨向佛。佛至其邊，說法得法，眼淨命終，生天。佛還給孤獨園，告諸比丘：「今流離王及此兵衆，卻後七日，盡當磨滅。至七月初，王將兵衆詣河娛樂，天大雷震，暴風疾雨，王及兵衆爲水所漂，身壞命終，入阿鼻獄。」  
此云無救。鼻音毗。佛因爲諸比丘說釋種宿世捕魚殺害因緣，今還受報之事。長阿含經。案：興起行經云：過去羅閱城有池，多魚。村人捕之，著岸而跳。一魚名鯉，一名多含，相語曰：我等不犯人，橫見殺我後世當報時，村人男女今諸釋種是鯉魚者，毗婁勒王是多舌者。今王相師名惡古者是我，是時爲小兒見魚跳而喜，以杖打魚頭。王伐釋種時，我得痛流離殺諸釋氏。阿難愁惱，求佛所言，我與如來同。  
下釋種云：「何如來光顏如常？」佛言：「我修空定，過三年已還來問我。」涅槃經。目連取知識四五百人，咸著鉢中。

舉置虛空，流離軍退。佛令取鉢視之，人皆死盡。佛爲說無常法，無央數人得須陀洹果。法華經。

五十年已

五十一年庚

五十二年辛未冬十一月既望，旣在毗舍離國大材精舍重閣講堂，告諸比丘：「卻後三月，我當般涅槃。卽爲普賢菩薩行法經。」

述曰：案神照經疏云：建子之月既望，告衆行法，旣是結經，則知說法華止七年耳。今約已經開顯，又二經同味，故通稱八年也。

釋迦牟尼佛本記三







